

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

6/2001

1.6.2001.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik

Na osnovu člana 55. stav 1. tačka 2. Statuta općine Zavidovići ("Službeni glasnik općine Zavidovići", broj 2/99 i 3/2001), Općinsko vijeće Zavidovići na 16. sjednici od 31.5. 2001. godine, donijelo je

O D L U K U

o prestanku mandata predsjedniku i članovima upravnih odbora u javnim preduzećima "Gradska pekara", KP "Radnik" i "Veterinarska stanica" i javnim ustanovama "Dom zdravlja sa poliklinikom", "Opća Gimnazija", "Srednja stručna škola" i "Srednja tehnička škola", čije je sjedište na području općine Zavidovići

I

Odlukom o prestanku mandata predsjedniku i članovima upravnih odbora u javnim preduzećima "Gradska pekara", KP "Radnik" i "Veterinarska stanica" i javnim ustanovama "Dom zdravlja sa poliklinikom", "Opća Gimnazija", "Srednja stručna škola" i "Srednja tehnička škola", čije je sjedište na području općine Zavidovići (u daljem tekstu: Odluka o prestanku mandata predsjedniku i članovima upravnih odbora u javnim preduzećima i javnim ustanovama), utvrđuje se prestanak mandata predsjedniku i članovima upravnih odbora u javnim preduzećima "Gradska pekara", KP "Radnik" i "Veterinarska stanica" i javnim ustanovama "Dom zdravlja sa poliklinikom", "Opća Gimnazija", "Srednja stručna škola" i "Srednja tehnička škola", prije isteka mandata, a u cilju provedbe rezultata održanih lokalnih izbora od 8. aprila 2000. godine.

II

Predsjedniku i članovima upravnih odbora javnih preduzeća i javnih ustanova iz prethodne tačke mandat prestaje imenovanjem novih predsjednika i članova upravnih odbora u javnim preduzećima i javnim ustanovama.

III

Zadužuje se Općinski načelnik i nadležne službe da provedu postupak predlaganja novih članova upravnih odbora u javnim preduzećima i javnim ustanovama iz tačke I ove Odluke.

IV

Odluka stupa na snagu danom donošenja, a objavit će se u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-1676
Datum, 31.5.2001. godine

Fuad Berberović, s.r.

I – AKTI OPĆINSKOG VIJEĆA

Na osnovu člana 65. stav 3. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine FBiH", broj 13/98) i člana 55. Statuta općine Zavidovići ("Službeni glasnik općine Zavidovići", broj 2/93 i 3/2001), Općinsko vijeće Zavidovići na 16. sjednici od 31.5.2001.godine, donijelo je

O D L U K U**o izmjeni Odluke o radnom vremenu i rasporedu radnog vremena
u općinskim organima i službama općine Zavidovići****Član 1.**

U Odluci o radnom vremenu i rasporedu radnog vremena u općinskim organima uprave i službama općine Zavidovići ("Službeni glasnik općine Zavidovići", broj 9/98 i 7/99), tačka II mijenja se i glasi:

"Radno vrijeme općinskih organa i službi za upravu počinje u 7,00 sati i traje do 15,30 sati svaki radni dan, a petkom radno vrijeme se završava u 15,00 sati."

Član 2.

Ovlašćuje se Komisija za statut i propise da utvrdi prečišćeni tekst ove odluke.

Član 3.

Odluka stupa na snagu prvog narednog dana od dana objavljivanja u "Službenom glasniku općine Zavidovići", a primjenjuje se od 1.6.2001.godine.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-34-1573
Datum, 31.5.2001.godine

Fuad Berberović, s.r.

Na osnovu člana 55. Statuta općine Zavidovići ("Službeni glasnik općine Zavidovići", broj 2/99 i 3/2001), Općinsko vijeće Zavidovići na 16. sjednici od 31.5.2001.godine, donijelo je

O D L U K U

o kriterijima za izbor, pravima i obavezama predsjednika i članova upravnih odbora koje imenuje općinsko vijeće ili općinski načelnik

Član 1.

Za predsjednika i članove upravnih odbora u javnim preduzećima i u javnim ustanovama čiji je osnivač općina, mogu biti imenovana lica sa odgovarajućom stručnom spremom, osim lica koja obavljaju sljedeće poslove:

- predsjednici sudova, sudije, javni tužioci, zamjenici javnog tužioca, advokati, javni pravobranilac i zamjenik javnog pravobranioca, predsjednik sudije za prekršaje, sudija za prekršaje,
- lica sa posebnim ovlaštenjima zaposlena u federalnim, kantonalnim i općinskim organima uprave, kao što su inspektori i rukovodeći radnici,
- sekretar općinskog vijeća i pomoćnici načelnika,
- direktor preduzeća, rukovodilac finansija, knjigovodstva, računovodstva i kontrole u javnom preduzeću i javnoj ustanovi u kojima su zaposleni i preduzećima i ustanovama iz iste djelatnosti,
- lica koja obavljaju jednu od dužnosti navedenih u članu 7. i 8. Pravila i propisa Privremene izborne komisije.

Član 2.

Lica koja se imenuju za predsjednika i članove upravnih odbora moraju imati VSS, a članovi upravnih odbora najmanje SSS.

Član 3.

Jedno lice može biti predsjednik ili član upravnog odbora samo u jednom javnom preduzeću ili javnoj ustanovi čiji je osnivač općina.

Član 4.

U svim javnim preduzećima i javnim ustanovama čiji je osnivač općina, broj članova upravnih odbora, uključujući i predsjednika, je od tri do pet.

Član 5.

Predsjednik upravnog odbora bira se iz reda predstavnika osnivača.

- 125 -

Član 6.

Predsjednici i članovi upravnih odbora koje imenuje općinsko vijeće ili općinski načelnik imaju zadatke, ovlaštenja, obaveze i prava da u ime osnivača učestvuju u radu organa upravljanja i odlučuju o pitanjima koja su u nadležnosti tih organa, u skladu sa zakonom i rješenjem o imenovanju.

Član 7.

Predsjednik i članovi upravnog odbora imaju pravo na naknadu za rad i angažovanje u upravnom odboru.

Mjesečna naknada članovima upravnog odbora može se isplatiti do 100 (stotinu) konvertibilnih maraka, a predsjedniku upravnog odbora za 20% više.

Naknada iz prethodnog stava isplaćuje se pod uslovom da su predsjednik i članovi upravnog odbora učestvovali u radu upravnog odbora koji je zasjedao najmanje jedanputa mjesečno.

Za svaku isplatu upravni odbor mora donijeti odluku.

Direktor javnog preduzeća ili javne ustanove zaključuje sa predsjednikom i članovima upravnog odbora međusobni ugovor u skladu sa ovom odlukom i drugim propisima koji regulišu rad upravnih odbora.

Sredstva iz ovog člana obezbjeđuju se iz sredstava javnog preduzeća i javne ustanove.

Član 8.

Evidenciju o predsjednicima i članovima upravnih odbora, trajanju mandata, isteku mandata, kao i o drugim pitanjima iz ove odluke, vode nadležne službe za upravu, a objedinjuje ih Služba za upravu privrednih djelatnosti.

Član 9.

Javna preduzeća i javne ustanove, čiji je osnivač općina, uskladiće svoje akte sa ovom odlukom u roku od 30 dana od dana stupanja na snagu ove odluke.

Član 10.

Odluka stupa na snagu prvog narednog dana od dana objavljivanja u "Službenom glasniku općine Zavidovići."

OPĆINA ZAVIDOVIĆI
- OPĆINSKO VIJEĆE -

Broj: 01-05-1675
Datum, 31.5.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 100. Zakona o prostornom uređenju ("Sl. list SR BiH", broj 9/87; 23/88; 24/89; 10/90; 14/90; 15/90 i 14/91) i ("Sl. list R BiH", broj 25/94 i 33/94) i člana 55. Statuta općine Zavidovići ("Sl. glasnik općine Zavidovići", broj 2/99 i 3/01), Općinsko vijeće Zavidovići, na svojoj 16. sjednici održanoj 31.5.2001. godine, d o n i j e l o j e

O D L U K U

o pristupanju izradi izmjena i dopuna Regulacionog plana "Centar II" Zavidovići

Član 1.

Pristupa se izradi izmjena i dopuna Odluke o usvajanju Regulacionog plana "Centar II" Zavidovići broj: 01/3-23-2819 od 28.03.2000. god.

Član 2.

Mijenja se namjena površine iz zelenila i rezervisane površine u površinu za kolektivnu stambenu izgradnju na dijelu površine između Doma invalida i pijace rabljene robe.

Član 3.

Rok izrade izmjena i dopuna Odluke o usvajanju Regulacionog plana "Centar II" je 20 dana od dana donošenja odluke.

Član 4.

Sredstva za izradu izmjena plana bit će obezbijedena iz Budžeta općine Zavidovići.

Član 5.

Za nosioca pripreme Izmjena i dopuna Odluke o usvajanju Regulacionog plana "Centar II" Zavidovići određuje se Općinski načelnik i Služba za upravu privrednih djelatnosti.

Član 6.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-23-1558
Dana, 31.5.2001.godine

Fuad Berberović, s.r.

- 127 -

Na osnovu člana 13. Zakona o slatkovodnom ribarstvu ("Službeni list SR BiH", broj 35/79) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići, na svojoj 16. sjednici održanoj 31.5.2001. godine donijelo je

ODLUKU

o davanju prava korištenja ribljeg fonda na ribolovnom području općine Zavidovići, putem konkursa

Član 1.

Daje se pravo korištenja ribljeg fonda na ribolovnom području općine Zavidovići. Pravo korištenja ribolovnog fonda odredit će se nakon provedenog konkursa.

Član 2.

Ovlašćuje se Općinski načelnik da raspiše konkurs za davanje prava korištenja ribljeg fonda na području općine Zavidovići, a pravo učešća na konkursu imaju lica u skladu sa zakonom.

Član 3.

Ova odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

Broj: 01-24-321
Dana, 31.5.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

- 128 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-1421

Datum, 31.5.2001.godine

Općinsko vijeće Zavidovići na svojoj 16.sjednici održanoj dana 31.5.2001.godine, a na osnovu člana 15. stav 1. i 2. u vezi sa članom 88. stav 1. i 2. Zakona o eksproprijaciji ("Službeni list SRBiH", broj 12/87 i 38/89 i "Službeni list RBiH", broj 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj 2/99 i 3/01), na prijedlog Medžlisa Islamske zajednice Zavidovići za utvrđivanje općeg interesa, donijelo je

RJEŠENJE

Utvrđuje se da je od općeg interesa izgradnja mesdžida u Tursićima i to na k.č.broj 419/2 zv. "Parlovica" po kulturi kuća zgrada pov. 70 m², dvorište 500 m² i pašnjak 3.kl. pov.405 m² upisanoj u P.L. broj 410 K.O. Junuzovići, kao DR SV MZ "Hajderovići" sa dijelom posjeda 1/1.

Obrazloženje

Izvršni odbor medžlisa Islamske zajednice – Zavidovići obratio se dana 10.04.2001.godine općini Zavidovići sa prijedlogom za utvrđivanje općeg interesa za izgradnju mesdžida u Tursićima.

Kako ovo naselje nema nikakvog vjerskog objekta u posljednje vrijeme se osjeća izrazita potreba za istim, odlučeno je kao u dispozitivu rješenja, a na osnovu uvodno citiranih odredbi Zakona o eksproprijaciji koje glase:

Član 15. stav 1. i 2.: "U slučaju ako opšti interes nije utvrđen po članu 13. i 14. ovog zakona, eksproprijacija se može predložiti tek pošto skupština opštine, a na obrazloženi prijedlog korisnika eksproprijacije, donese rješenje da je i izgradnja objekta na određenom zemljištu od opšteg interesa i da se može pristupiti eksproprijaciji.

Rješenje iz prethodnog stava donosi skupština opštine na čijem se području nalazi zemlji-šte."

Član 88. stav 1. i 2.: "Prava organizacije udruženog rada i drugog društvenog pravnog lica u pogledu nepokretnosti u društvenoj svojini mogu se rješenjem nadležnog opštinskog organa uprave oduzeti ili ograničiti i prenijeti na drugu organizaciju udruženog rada ili drugo društveno pravno lice, ako to zahtijevaju na osnovu zakona utvrđene potrebe planskog uređivanja prostora ili izgradnje objekata od društvenog značaja ili drugi zakonom određeni opšti interes.

Opšti interes za oduzimanje ili ograničenje i prenos tih prava utvrđuje se na način koji je ovim zakonom određen za eksproprijaciju nepokretnosti."

Protiv ovog rješenja ne može se izjaviti žalba niti se može pokrenuti upravni spor.

PREDSJEDAVAJUĆI
OPĆINSKOG VIJEĆA

Fuad Berberović, s.r.

II AKTI OPĆINSKOG NAČELNIKA

Na osnovu člana 76.Zakona o upravi u Federaciji Bosne i Hercegovine ("Službene novine Federacije Bosne i Hercegovine", broj: 28/97), člana 65.Statuta općine Zavidovići ("Službeni glasnik općine Zavidovići", broj: 2/99 i 3/2001), u vezi sa članom 17.Odluke o izvršavanju budžeta općine Zavidovići za 2001.godinu ("Službeni glasnik općine Zavidovići", broj: 4/2001), Općinski načelnik Zavidovići, dana 01.06.2001. godine, donio je

N A R E D B U

za putne troškove radnika organa
uprave u službi općine Zavidovići

Član 1.

Naredbom o naknadama za putne troškove organa uprave i službi općine Zavidovići (u daljem tekstu : Naredba), utvrđuje se visina naknade za putne troškove na području Bosne i Hercegovine.

Član 2.

Naknada za službeni put (troškovi prijevoza, troškovi prenoćišta) pripada po cijeni prijevozne karte i hotelskih računa, osim hotela de luxe kategorije, te dnevnih troškova u obliku dnevnice za službeno putovanje u zemlji u visini od 10% od prosječne plaće ostvarene u Federaciji u posljednja tri mjeseca.

Član 3.

Ukoliko korisnik službenog putovanja uz obračun dnevnice ne priloži račun za spavanje pripadajuća dnevnicu se uvećava za 70%.

Član 4.

Za upotrebu privatnog automobila u službene svrhe, ako se takvo korištenje prethodno odobri, službeniku se nadoknađuju troškovi u visini do 25% jedne litre benzina (super) po pređenom kilometru.

Član 5.

Za situacije koje nisu regulisane ovom naredbom, primjenjivat će se zakonske i druge odredbe donesene za nivo Federacije BiH i Bosne i Hercegovine.

Član 6.

Stupanjem na snagu ove naredbe prestaje da važi naredba o naknadama za putne troškove broj: 01-135-1/98 od 11.06.1998. godine.

Član 7.

Ova naredba stupa na snagu danom donošenja i bit će objavljena u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Broj: 04/2-14-1773
Datum: 01.06.2001.godine

OPĆINSKI NAČELNIK

Selvedina Uljić, dipl.ing.maš., s.r.

Na osnovu člana 65. Statuta općine Zavidovići ("Službeni glasnik općine Zavidovići", broj 2/99 i 3/2001), Općinski načelnik Zavidovići dana 4.6.2001.godine, donio je

O D L U K U

o prestanku mandata predsjedniku i članovima upravnih odbora u javnim ustanovama "Gradski dječiji vrtić", "Centar za kulturu" i "Centar za socijalni rad" čije je sjedište na području općine Zavidovići

I

Odlukom o prestanku mandata predsjedniku i članovima upravnih odbora u javnim ustanovama "Gradski dječiji vrtić", "Centar za kulturu" i "Centar za socijalni rad", čije je sjedište na području općine Zavidovići (u daljem tekstu: Odluka o prestanku mandata predsjedniku i članovima upravnih odbora u javnim ustanovama), utvrđuje se prestanak mandata predsjedniku i članovima upravnih odbora u javnim ustanovama "Gradski dječiji vrtić", "Centar za kulturu" i "Centar za socijalni rad", prije isteka mandata, a u cilju provedbe rezultata održanih lokalnih izbora od 8.aprila 2000.godine.

II

Predsjedniku i članovima upravnih odbora javnih ustanova iz prethodne tačke mandat prestaje imenovanjem novih predsjednika i članova upravnih odbora u javnim ustanovama.

III

Zadužuje se Općinski načelnik i nadležne službe da provedu postupak predlaganja novih članova upravnih odbora u javnim ustanovama iz tačke I ove Odluke.

IV

Odluka stupa na snagu danom donošenja, a objavit će se u "Službenom glasniku općine Zavidovići".

OPĆINA ZAVIDOVIĆI
- OPĆINSKI NAČELNIK -

OPĆINSKI NAČELNIK

Selvedina Uljić, dipl.ing.maš., s.r.

Broj: 01/1-05-1789

Datum, 4.6.2001.godine

**III – AKTI SLUŽBE OPĆINSKOG VIJEĆA, OPĆINSKOG
NAČELNIKA I SLUŽBI ZA UPRAVU**

Na osnovu člana 102. Poslovnika Općinskog vijeća ("Službeni glasnik općine Zavidovići", broj 1/98 i 3/98), poslije sravnjavanja izvornika Rješenja o usvajanju plana parcelacije broj 01/3-26-4643 od 2.12.2000.godine, kojeg je usvojilo Općinsko vijeće Zavidovići na sjednici od 26.12.2000.godine i koje je objavljeno u "Službenom glasniku općine Zavidovići", broj 9/2000 i nakon zahtjeva Službe za upravu geodetskih i imovinsko-pravnih poslova broj 06-31-233 od 21.5.2001.godine za donošenje rješenja o ispravci rješenja Općinskog vijeća broj 01/3-23-4643 od 26.12.2000.godine, sekretar Općinskog vijeća utvrdio je da je zahtjev za ispravku rješenja osnovan, te se daje

I S P R A V K A

**Rješenja o usvajanju plana parcelacije
("Službeni glasnik općine Zavidovići", broj 9/2000)**

I

U Rješenju o usvajanju plana parcelacije ("Službeni glasnik općine Zavidovići", broj 9/2000), u tački I rješenja iza broja 1702/1, dodaje se broj k.č.1130/1.

II

Ostali dio rješenja ostaje neizmijenjen.

III

Ispravka je sastavni dio rješenja

IV

Ispravku objaviti u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

SEKRETAR
OPĆINSKOG VIJEĆA

Broj: 01-31-1712
Datum, 1.6.2001.godine

Hajrudin Katardžić, dipl.pravnik, s.r.

S A D R Ź A J

I – AKTI OPĆINSKOG VIJEĆA

1. ODLUKA o izmjeni Odluke o radnom vremenu i rasporedu radnog vremena u općinskim organima i službama općine Zavidovići 122
2. ODLUKA o prestanku mandata predsjedniku i članovima upravnih odbora u javnim preduzećima “Gradska pekara”, KP “Radnik” i “Veterinarska stanica” i javnim ustanovama “Dom zdravlja sa poliklinikom”, “Opća Gimnazija”, “Srednja stručna škola” i “Srednja tehnička škola”, čije je sjedište na području općine Zavidovići 123
3. ODLUKA o kriterijima za izbor, pravima i obavezama predsjednika i članova upravnih odbora koje imenuje općinsko vijeće ili općinski načelnik 124
4. ODLUKA o pristupanju izradi izmjena i dopuna Regulacionog plana “Centar II” Zavidovići 126
5. ODLUKA o davanju prava korištenja ribljeg fonda na ribolovnom području općine Zavidovići, putem konkursa 127
6. RJEŠENJE o utvrđivanju općeg interesa izgradnje mesdžida u Tursićima 128

II – AKTI OPĆINSKOG NAČELNIKA

1. NAREDBA za putne troškove radnika organa uprave u službi općine Zavidovići 129
2. ODLUKA o prestanku mandata predsjedniku i članovima upravnih odbora u javnim ustanovama “Gradski dječiji vrtić”, “Centar za kulturu” i “Centar za socijalni rad”, čije je sjedište na području općine Zavidovići 130

III - AKTI SLUŽBE OPĆINSKOG VIJEĆA, OPĆINSKOG NAČELNIKA I SLUŽBI ZA UPRAVU

1. ISPRAVKA Rješenja o usvajanju plana parcelacije (“Službeni glasnik općine Zavidovići”, broj 9/2000) 131